

Dùù ùnd ìì ùnd ìì ùnd dùù

a tiaraschì Gschìcht übar d Fründschaft

Liadar

Teggst: Berta Thurnherr-Spirig / Mùsìg: Tobias ùnd Karin Spirig

Summarvoogil

www.summarvoogil.ch

Zobarscht òmm ùfam Tamm
Zwüschat am aaltan ùnd am nöüa Rii
Schtòòt an groassa mächtìga Bòmm
T Lianda Tilia

1. T Lianda Tilia

Zmeazt ìm Sùmmar blöüts ùnd schmekts
Sì ìscht s Huus vù 100 000 Biina ùnd Hùmmmla
Vù Finkan, Amsla, Spazan, Käafar ùnd amana Späacht
Wo sùmmid, brùmmid, flüügìd, chrüchìd, chräaslìd ùnd sìngìd

**T Lianda Tilia ìscht a mächtìgs Huus
Ì dìam Huus flüügìd sìbatuusìg Vöögil ii ùnd uus**

**T Lianda Tilia ìscht a mächtìgs Huus
Ì dìam Huus flüügìd sìbatuusìg Vöögil ii ùnd uus**

Ì dìam Huus bouìds ìannars Näascht
Leggìds 7 Aiar drii ùnd brüatìds uus
Schlüüffid 7 klänni Spazan uus
Iaz flüügìd Sìbatuusìg ùnd sìba Vöögil ii ùnd uus

**T Lianda Tilia ìscht a mächtìgs Huus
Ì dìam Huus flüügìd sìbatuusìg Vöögil ii ùnd uus**

**T Lianda Tilia ìscht a mächtìgs Huus
Ì dìam Huus flüügìd sìbatuusìg ùnd sìba Vöögil ii ùnd uus**

**T Lianda Tilia ìscht a mächtìgs Huus
Ì dìam Huus flüügìd sìbatuusìg Vöögil ii ùnd uus**

**T Lianda Tilia ìscht a mächtìgs Huus
Ì dìam Huus flüügìd sìbatuusìg ùnd sìba Vöögil ii ùnd uus**

Do flattarat übara Rii an wùndarschüana farbìga Sùmmarvoogìl: dr Egon
Dr Egon landat ùf dr Lìanda
Ganz fii sìngt äar sis Sùmmarvoogìl-Liad

2. Egon

I lòmmì trääga vùm Pfüüa, flüüga lacha liacht sii tunkt mì schüüa
Landì ùfar groassa Lìanda, tùanan Huuffa Gschpääna fìanda

laalalaala flüüg mìt mear, Laalalaa ì flüüg mìt dear
Flüügammar zùr Sùnna, flüügammar zùm Mòò
Flüügammar zù da Schtäanna, mear bliibìd seachar nüd dòò

Zämma flüüga, witt, ganz witt. Luaga, was dänn sùs nò gitt
d Wäalt ìsch rùnd ùnd d Wäalt ìsch groas, jò wa ìsch dänn bì da andra loas

Refrain

All dòhùamma hoka: nei. Das ìscht föarchtig laaaaangwiiilig
Dar Mamma ùnd am Papa folga: nei. Mear sìand wùndargear,
mear wönd wittarflüüga

Refrain

Dr Isvoogìl Isidor höart s Sùmmarvoogìl-Liad
Äar flüügt zùm Egon ìs häallgrüüa Tilialoob.
Hoi dù lùftiga Flöödari, ì bìa dar Isvoogìl Isidoor
wia hòascht dänn dù
Ì wüür o gäaan a soa sìnga küna wi dù

3. Isidoor

li bì dar lisvoogìl Isidor,
Ìr Schtuudan ùss am Aalta Rii dòhùamm
li bì dar schüanscht vùr ganza Wäalt
Mis Fäadarahääss ka nìammar kooffa ùm kù Gäalt

**wi glizarid minì Fäadara
Oraasch ùnd türkisblau
Ì bì an schüana Küanig
So schüüa ùnd so schlau**

li flüüg witt gaanz witt ùnd wìdar zrùgg an Rii
niiiana sùs siand Pfisch so frisch
Min Schnaabìl ischt wi a Zanga
Wänn a zuaklapp ischt mis Fischli gfanga

Refrain

Nu eppis kan ì gäär nüd goat
Ùnd will mar ùafach niia gglinga
I wüar doch o so gäann
Wi andari Vöögìl sìnga
Wi t Amsla ùnd wi t Nachtigall
Wi diia sìnga kònd

Refrain

li bì dar Egon, ì zòag dr wi s Sìnga gòt
li sìng dr vòòar
Muatig schikt dr Isidor sis Liad ìt Wäalt
Abar wa ùs sim Schnaabìl künnt ischt gad an hòasara Schròòà

4. Singa

Sìnga daa ka iada läanna
as tüant vùr Lianda bìs zù da Schtäanna
Tuascht s Muul uuf witt gaanz witt
Dänn gischt am Schnuuf a Tüüalì mìt
ùnd nòmòòl ùas a klä hööchar
ùnd nòmòòl ùas, a klä tüüffar
Ùnd zwüschatiiachì lòòscht an Juz

Sìnga ischt wi flüüga
Vùr Lùft trääga lòò ùnd schù tuts
Sìnga ischt wi lüüba
Uafach wòòga ùnd schù tuts

Sìnga daa ka iada läanna
as tüant vùr Lianda bìs zù da Schtäanna
Dar Isidor tuat s Muul uuf,
Witt gaanz witt
Zobarscht ùfar Lianda
will ar sìnga
Allì söllid höara wi äar daa kaa

Sìnga ischt wi flüüga
Vùr Lùft trääga lòò ùnd schù tuts
Sìnga ischt wi lüüba
Uafach wòòga ùnd schù tuts
Sìnga ischt wi schmuusa
Uafach gnüüssa ùnd schù tuts
Sìnga ischt wi jùka
Beedi Bua ìt Lùft ùnd schù tuts

ùs vollar Brüscht schikt dar Isidor
sis Liad ìt Wäalt
wa ùs sim Schnaabìl kùnn
ischt gad an hòasara Schròò

ùnd loos
am Aalta Rii ùnn praschtat an Bòmm
ùnd keit is Wassar aachì
waa ischt dänn dòò loos?
häats dòò Monschtar?
Gschwìnd flüügìd dar Isidor
Ùnd dar Egon gì luaga

5. D Bibar

A Wiida liit ìm Wassar
A groassas pelzìgs Tiar schwiammt darhäär
nòmòòl ùas, nòmòòl ùas
Ùnd nòmòòl ùas

Füüf Kìand
A Mamma ùnd an Papa
Alli hònd groassì schtarkì Zää
Ùnd an Schwaanz wi a Kùchikella

Dar Isidor fröögat gaanz muatìg

**Waa tùand ear frönda Tiar dòò bì üüs?
Wo kòndar häär? Wo siandar dòhùamm?
Waa tùand ear frönda Tiar dòò bì üüs?
Warum tùand ear üsarì Widan um**

Dar Isidor häat Angscht
Dar Egon föarchtam oo
Sì siand gäär nüd so muatìg
Wi s tùand

Däara groassa Tiar
Wo ìm Wassar schwiamma kònd
Däara Pelztiar
hònd beed nò gäär nia gsää

Dar Isidor fröögat gaanz wüatìg

Refrain

A Bibarmööatali schwiammt darhäär
Dr Isidor luagat am it Ööglì
Huiuiui wi fangt sis Häarz aa pöpparla
dr schüüa Voogìl fröögat gaanz zaam ùnd hööfalì:
Wia hòascht dùù dù lüübs Pelzlì dùù?

6. Bibariina

Ì hòass Bibariina
ì tù gäann Ìm Wassar schwiamma
pflatscha ùnd schprüza
ì bì a richtìgs Bibarkìand

Ì hòass Bibariina
ì bì a richtìgs Bibarkìand
ì bì d Bibariina
ùnd ì ka schweamma, gschwind ganz gschwind

ì schlööff ìr Bibarhööli
ùnd tròòm ì sei an Voogìl
an Voogìl wo künn flüüga
an Voogìl wo künn sìnga

mittam Papa ùnd dar Mamma
Tùan ì Buarga boua,
Buargana boua
ùnd Tämm zùm schtoua

Refrain

Wänn ìì däär schüüa Voogìl seach
Dänn pöpparlat mis Häarzlì,
As pöpparlat *üü*barlutt
Bìn ì ächt varknallt?

Refrain

7. Wi an Hai

Mì machts bùzvarùkt
fùxtüüfilswild ùnd lòad
das ear mìt öüara schaarfa Zää
üüsari Bömm ùmtùand

Mear bruuchid di Bömm
Mear siand Maischtar ìm Boua
Mear bouid Burgana ùnd Tämm
Kùm gschwìnd gì luaga, Ì zòag dars

Dar Isidor schtuunat
Daas ìscht jò groassi Kùnscht
vìlicht gòòts besser as s Sìnga
wänn ì da nu künnt

Do lachat d Bibariina
Dù beascht an glatta Voogil dùù
Wettischt Buargana boua wi mear Bibar
Ùnd Liadar sìnga wi d Amsla ìm Mai
Wettischt ächt nò schwìamma wi an Hai?

Ùnd Liadar sìnga wi d Amsla ìm Mai
Wettischt ächt o nò schwìamma wi an Hai?

8. Welsa

Platsch schprüz schprüz platsch tüüants im Wassar
An riisagroassa Fìsch mittamana gwaaltiga Schnoaz Taucht ùsam Rii
Waa höari dòò? An Hai?
Dòò bìn ìi dòhùamma

Dòò wömmar kùn Hai
Dòò siand mear Welsa, Schlaia, Hecht ùnd Karpfa,
Müschla, Taucharli, Äänta ùnd Schwään
Dòò hòmmars frei mìtanand. Mear wönd kùn frönda Hai im Land

Welsa schlaampid im Schlamm
Liabar as ùf Felsa schlaampid Welsa
im pflüttaarwaarma Schlamm
Schlammplamm schlammplamm schlammplamm

Hai Wels tù nüd so tùm
Ì ha doch gad a Gschpässli gmacht. Mìt mìna nöüa Gschpääna.
Dòò künnt kùn Hai. Dar Rii ischt nüd s Meer.
Ì sim Wassar häats zwäänig Saalz föara Hai

Jò daa schtìmmt häascht räacht
Häascht mì varschrekt, ùnd schù vòaram Nachta gwekt
Wuaaaaa ì gang nòmòòl gì schlòöffa
Goat Nacht ear drei Gschpääna

Welsa schlaampid im Schlamm
Liabar as ùf Felsa schlaampid Welsa
im pflüttaarwaarma Schlamm
Schlammplamm schlammplamm schlammplamm

Ùnd dar Egon häat a näarschì Idee:
Mear flüügìd zàmma ufa Mòò
Dù Isidoor neamscht d Bibariina ufa Rùgga
ùnd ìi lìgg ì Bibariinas Hand

9. Dùm ùnd ì ùnd ì ùnd dùm

Dùm ùnd ì ùnd ì ùnd dùm flüügìd zämman ùfa Mòò
Dùm ùnd ì ùnd ì ùnd dùm höklid zämman ùfam Mòò

Jò hoi fröögat s Mòòkalb, waa wönd ear dòò?
Mear sìand wùndargear, luaga schmeka Mòògschìcht loosa
Wia seacht a Mòòkiand uus? Wia schmekt a Vollmòòmuus?
Waa tuat dar Mòò am Taag? Häat ars o so gäann
wämmana maag?

Dùm ùnd ì ùnd ì ùnd dùm flüügìd zämman ùfa Mòò
Dùm ùnd ì ùnd ì ùnd dùm höklid zämman ùfam Mòò

Wänn ar üs lüüchtat zNacht
Wòasst ar dänn, asar t Aearda häallar macht?
Häat dar Maa ìm Mòò o a Frou ùnd Kìand
wi mear drü sìand ?
Wäär viil fröögat wöart witt gweeasa
Lachat dar Maa ìm Mòò, so bliibìd doch a Wiilì dòò
Ear sìammar glattì Gòarscha, wo kònd gì dar Mòò ärfòarscha

Refrain

Joola, jùka, sìnga mìtta Kìand ùfam Mòò
Mìttanand läanna üsari Schpiil ìannrì Schpròòch
As tunklat schù mear mònd iaz gòò
Mear treaffid üs seachar bald wiidar

Dùm ùnd ì ùnd ì ùnd dùm flüügìd zämman ùfa Mòò
Dùm ùnd ì ùnd ì ùnd dùm höklid zämman ùfam Mòò
Dùm ùnd ì ùnd ì ùnd dùm flüügìd zämman ùfa Mòò
Dùm ùnd ì ùnd ì ùnd dùm ùnd üsari Fründ vùm Mòò

dar goat Gschpaana Mòò lachat am Himmil mìt vila, vila Stäana
Stäana lüchtid o ì ìana sinan Òòga
dr Isidoor ùnd d Bibariina sìngid eannars Liad vùm Häarz, wo so fescht pöpparlat:

10. Am Häarz iss glii

dù beascht schüüa, ùnd flüüga kaascht oo
wi stäana glizarat dis hääss
ìì luag dì a, dù gfallscht mear
ùnd ì lach so gäan mit dear

So schüüa wi dù ischt kùn ùanzìga Biibar uf dar Wäalt
Höarscht wi fescht mis Häarz pöpparlat
dù häascht Fäadara ùnd ì an Belz, am Häarz iss glii,
Ì wett all bìidar sii

Wäar bìani? Wo kùmmi häar?
An Voogil vùm Himmil sägid ear
ì wüar gäan sìnga, Burga boua, schweamma,
mìt dear schtuuna, loosa, sii, s Läaba lang

So schüüa wi dù ischt kùn ùanzìga Voogil uf dar Wäalt
Höarscht wi fescht mis Häarz pöpparlat
ì ha Fäadara ùnd dù an Belz, am Häarz iss glii,
Ì wett all bìidar sii
Ì wett all bìidar sii

Wäar beascht dù und wohäar kùnscht?
wo häarì gòmmar mìtanand?

Ì ha dì gäan, ùnd ì dì oo
Ì wett all bìidar sii
ìì luag dì a, dù gfallscht mear
ùnd ì lach so gäan mit dear

So schüüa wi dù ischt neammar uf dar Wäalt
Höarscht wi fescht mis Häarz pöpparlat
ì ha Fäadara ùnd ì an Belz, am Häarz iss glii,
Ì wett all bìidar sii
Ì wett all bìidar sii
Ì wett all bìidar sii

Ùnd dänn ìss Zitt, Zitt zùm wìdar Hùà flüüga
As tunklat ùnd dar Egon ùnd dar Isidor hònd kù Liacht an ìana sina Flüügìl
Zearscht bringìds d Bibariina hùan an Rii:
Tschau Bibariina, bìs mòann

11. Gschpääna

Dar Egon schtüpflat dar Isidor,
kùm mar gònd jatz hùà
As tunklat ùnd ìi ha kù Liacht a mina Flüügìl

Hai bliibìd doch nò a kläälì dò
Mear künntìd nò Gschìchta varzella
Fööcharla, varschtekarlìs
Ear sìand jò earscht gad kòò

**Kùmm, iaz mòmmar hùà
mòann kòmmar wìdar, wänn d Sunna wìdar schint
mòann kòmmar sìnga, tanza, spìla
mear seand drei goatì Fründ**

Mear sìand drei goatì Gschpääna
Mear wönd mìtanand dòhuss am Rii
Ùnd ùm d Lianda Tilia ùmmì
Nò gaanz viìl näarschì Schpiìlì schpiìla

**Kùmm, iaz mòmmar hùà
mòann kòmmar wìdar, wänn d Sunna wìdar schint
mòann kòmmar sìnga, tanza, spìla
mear seand drei goatì Fründ**

As ischt asoa mìt Gschpääna
all kònds nüd zämma sii
epadia wòrds tunkìl
eppadia gìts Trääna

**Kùmm, iaz mòmmar hùà
mòann kòmmar wìdar, wänn d Sunna wìdar schint
mòann kòmmar sìnga, tanza, spìla
mear seand drei goatì Fründ**

**mear seand drei goatì Fründ
mear seand drei goatì Fründ**

Sì siand wìdar dòhùam
ìm Huus vùr Lianda Tilia
Sì varzellid vù allam wo s hütt gsääachan ùnd khööart hònd:

12. Hùakòò

Hùakòò am Òòbat vòars nachtat
Varzella vù da nöüa Gschpääna,
Vùm Flüüga, vùm Singa, vùm muatig sii
Vùr Rais ùfa Mòò ùnd wìdar aacha kòò

*Sì hònd gaanz viil äarfaara darbi
vù da Bäarga zùm Meer flüüsst dar Rii
d Biibar schlòöffid am Taag und schaffid znacht
sì wissid wimma Schtoutämm macht*

dar Wels taschtat ùnd schmekkt gaanz fii
dasar ìm Tùnkil nünt seacht ischtam glii
Tiar vùm Wassar, vùr Luft, vùm Land
hònds goat wänns loosid ùfanand

*S Allarschüanscht ischt vù diam langa Taag
Dass d Bibarina dar Isidor so fescht maag
Ùnd dar Isidor d Bibarina so gäann häat
Asar am liabschtan all binnar sii wett*

**Mängi Sacha kònd alli läanna
Andari halt nüüd
Fröndi kònd Gschpääna wööara
Daa wissammar sed hüt**

**Mängi Sacha kònd alli läanna
Andari halt nüüd
Fröndi kònd Gschpääna wööara
Daa wissammar sed hüt**